

# TONG YULDUZ

O'zbekiston Respublikasi bolalari va o'smirlari gazetasi

Gazeta 1929-yil 1-avgustdan chiqa boshlagan

2006-yil 18 - 24 - dekabr N:51 (66592)

## Muassislar:

O'zbekiston matbuot va axborot agentligi,  
O'zbekiston Respublikasi Xalq ta'limi vazirligi,  
«KAMOLOT» Yoshlar ijtimoiy harakati,  
«SOG'LOM AVLOD UCHUN» hukumatga qarashli bo'lmagan xalqaro xayriya jamg'armasi.



SAHIFALARDA

SOXTA MUHABBAT



3-BETDA

SHUNDAY KITOB BOR!

4-BETDA

HAR SINFGA IKKITADAN...



7-BETDA

## DENOVLIKLAR

### G'OLIB

Denov tumanidagi 1-iste'dodli bolalar umumiy o'rta ta'lim maktab-internati o'quvchilarga Davlat ta'lim standartlariga nisbatan kengroq va chuqurroq bilim berishga mo'ljallangan umumiy o'rta ta'lim muassasasidir. Maktab-internatga o'quvchilar qobiliyati va qiziqishiga qarab chuqurlashtirilgan dastur asosida o'qitiladi.

#### Umid

Surxondaryo viloyati Xalq ta'limi boshqarmasi qarori bilan Denov shahridagi Lomonosov nomli 1-umumta'lim maktab negizida tajriba tariqasida bog'cha-maktab - gimnaziya tashkil qilindi.

Maktab-internatda ta'lim ikki yo'nalishda olib borilmoqda. Matematika, til va adabiyot fanlaridan o'quvchilar chuqur bilim olish bilan birga «Yosh tilshunos», «Yosh adabiyotchi», «O'lkashunos», «Al-Xorazmiy avlodlari», «Yosh tarixchi», «Yosh tarjimonlar», «Huuqshunos», «Temur avlodlari» kabi 19 turdagi to'garaklarga ham muntazam qatnashadilar.



Maktab-internatining bilimdon va zukko o'quvchilari yaqinda O'zbekiston televideniyesida o'tkazilgan «O'yla, izla, top!», «7x7» musobaqasida ishtirok etib, Surxondaryo viloyatining Muzrobot tumani o'quvchilari bilan bellashdilar va g'olib bo'ldilar. Maktab-internat o'quvchilari bu musobaqa ishtirokchilarini tanlash va tayyorlashda maktab-internat direktori M.Sapiyev hamda Bashorat Muhitdinova, Adolat Astanaqulova va Barno Mo'minoyalarning xizmatlari katta bo'ldi.

Musobaqada maktabimizning 9-«A» sinf o'quvchilari Farruh Majidov, Alisher Abdusalim o'g'li, Feruza Murodullayeva, Maftuna Egamova, 9-«B» sinf o'quvchilaridan Nuriddin Namozov, Fazliddin Aliyev, Alisher Ro'ziyevlar o'z bilim va qobiliyatlarini namoyish etdilar.

O'quvchilar musobaqadan katta taassurotlar bilan qaytdilar va keyingi final musobaqalarida ishtirok etish uchun tayyorgarlikni boshlab yubordilar.

Umid qilamizki, keyingi bo'ladigan bellashuvlarda ham maktab-internatimiz o'quvchilari o'z kuch va g'ayratlarini, bilimdonliklarini ko'rsatib, g'olib bo'ladilar.

Omad sizga, denovlik bilimdonlar!

Nuriddin AKBAROV, o'z muxbirimiz.



## HAMROH BO'LGIN BOLALIK!


Tong chog'ida uyg'onib, Cho'ziladi bo'ylarim,  
Ko'nglimga keldi g'ashlik. Qo'shilar yoshimga yosh.  
Bolaligim, nega tez, Oltinsoch qo'g'irchog'im,  
O'tib ketding bunchalik. Nahot emassan sirdosh.

Yoz bo'yi ta'til edi- Yillar, menga yo'ldosh bo'l,  
Hazilkash, o'yinqaroq. Dilni tark etsin g'ashlik.  
Ertaklarni sog'inib, Beg'ubor qalbing bilan,  
Dilda uyg'onar so'roq. Hamroh bo'lgin bolalik!

### UMR

Umr nima, toshqin soymikin,  
Har giyohga hayot beruvchi?  
Yo quyoshmi butun borliqni,  
Birday sevib, birday ko'rguvchi?  
U gulmi yo nafis va xushbo'y,  
Ko'zlaringga quvonch ulashgan.  
Jilg'ami yo toshlar oralab,  
Bir-biridan yo'lak talashgan.  
Ta'riflardan ko'nglim to'lmadi,  
Umr ulkan mevali bir bog'.  
Bu bog'aro har gul, giyohning,  
Qadri baland, o'tar vaqti chog'.  
Mehnat, ilm to'ldirib kamin,  
Har yurakka bag'ishlar huzur.  
Ortimizdan bog' qoldiolsak,  
Ana shudir eng uzoq umr.

Charosxon MIRZARAHIMOVA,  
Toshkentdagi 387-maktabning  
9-sinf o'quvchisi.



**Respublikamizning barcha shahar va qishloq maktablarida qonunlar majmuasi bo'lgan Konstitutsiyamizning 14 yilligi va xalqaro «Inson huquqlarini himoya qilish» kuniga bag'ishlangan yig'ilish va tadbirlar hamon davom etmoqda. Jumladan, Toshkent shahar, Shayxontohur tumanida joylashgan 39-tayanch maktabda ham yuqori sinf o'quvchilari uchun maxsus yig'ilish o'tkazildi. Yig'ilishni kirish so'zi bilan ochgan maktab direktori Mavluda Eshonxo'jayeva o'quvchilar orasida huquqiy savodxonlik oyligi o'tkazilishning ijtimoiy-siyosiy ahamiyati haqida so'zlab, qisqacha ma'ruza qildi. Shundan so'ng, tarix fani o'qituvchisi Soniya Yunusova Konstitutsiyamizning mohiyati va tarixiy tamoyili haqida qiziqarli fikrlarni o'rta tashladi.**

## KONSTITUTSIYA - JAMIYAT POYDEVORI

U Yunon tarixi asosida yaratilgan ilk qonunchilik haqida gapirib, kishilarning davlat va qonunlar yaratish sari bosib o'tgan uzoq tarixiy yo'lini qisqacha tahlil qilib o'tdi.

Shuningdek, sho'rolar davridagi mavjud Konstitutsiyani mustaqil O'zbekistonning yangi Qonunlariga qiyos qilib, totalitar tuzum va xalq ommasining erki, huquqi hamma jabhalarda poymol etilganligini, ular yaratgan iqtisodiy boyliklar qonunlarga g'ilof ravishda tashib ketilganligini bir nechta ishonchli dadillar bilan ko'rsatib o'tdi.

Chindan ham 20-yillardan boshlangan, O'zbekistonda yashovchi ziyolilarni qatag'on qilish jarayoni 1954-yillargacha davom etgan edi. O'sha davrda ta'xis etilgan bu qonunlarda yerli xalqlarning ehtiyojiga mos kelmaydigan bir qancha nozod moddalar joriy qilindi. Jumladan, yerning turli xilqatlar bilan zaharlanishi, porloslanishi, paxta yakkahokimligini joriy etish natijasidagi ekologik holatlar bunga yorqin dalildir. Ma'ruzachi qonunchiligimiz qomusining birinchi bobiga to'xtalar ekan, davlat suverenitetini saqlash - umumxalq ishi ekanligini, xalq esa davlat hokimiyatining asosiy manbai ekanligini alohida uqdirib o'tdi. Shu boisdan ham qonunimizda xalqning huquq va erkinliklari kafolatlanishi eslatib o'tildi.

Notiq qomusimizning 63-moddasiga ham qisqacha to'xtalib, «Oila jamiyatning asosiy bo'g'ini va u davlat qonunlari bilan muhofaza qilinib kelinishi» to'g'risida ham ba'zi mulohazalarni bildirib o'tdi. U Konstitutsiyamizning 50-moddasiga to'xtalar ekan, fuqarolar atrof-muhitga nisbatan hushyorlik bilan munosabatda bo'lishga majbur ekanligini ham alohida to'xtaldi.

Shundan so'ng, o'quvchilar Qomusimizning 16-moddasiga tegishli «farzandlar ota-onalarining nasl-nasabidan va fuqarolik holatidan qat'iy nazar, qonun oldida tengdir», degan qoidasini muhokama qildilar. Ayniqsa, o'quvchilar Qomusimizning 66-moddasida belgilab qo'yilgan voyaga yetgan, mehnatga layoqatli farzandlar o'z ota-onasi haqida g'amxo'rlik qilishi majburiyatlari haqidagi qonunni qiziqish bilan muhokama qildilar. Shundan keyin maktabning ma'naviyat ishlari bo'yicha mudiri Hakima opa so'z olib, qomusimizning boshqa qonunlaridan farqini tushuntirib berdi.

Anjuman ishtirokchilari huquqiy savodxonliklarini oshirish sohasida talaygina bilimlarga ega bo'ldilar. Shu kuni barcha sinflarda tarbiyaviy soatlar ham o'tkazilib, o'quvchilar ongiga qonun ustuvorligi, huquqiy demokratik davlat qurishda yoshlarimizning huquqiy ongini yuksaltirish muhim ekanligi singdirib borildi.

**Mahmud NAZAROV,**  
filologiya fanlari nomzodi, Oliy toifali  
ona tili va adabiyot fani o'qituvchisi.

## BAXTIMIZ QOMUSI

Mana, o'lkamizga qish ham kirib keldi. Bu faslda bir necha bayramlarni nishonlaymiz. Ilk bayramlardan biri «Konstitutsiya kuni» hisoblanadi. Maktabimizda Konstitutsiya bayrami munosabati bilan katta tadbir bo'lib o'tdi. Biz Konstitutsiyaning o'zimizga tegishli boblarini yod oldik va uni she'riy ifodaga solib aytib

## TAJIRIBAMNI OSHIRISHIM

### KERAK

Men Toshkentdagi 102-maktabning 6-«G» sinfida o'qiyman. Maktabimizda yaxshi o'qishim uchun barcha shart-sharoitlar yaratilgan. Menga, ayniqsa, ona tili, adabiyot, botanika, geografiya fanlari juda yoqadi. Ra'no Olimova, Shohista opa singari ustozlarim bergan saboqlarni doimo o'zlashtirib borishga harakat qilaman. Maktabimizda katta kutubxona bor. Men kutubxonamizning faol a'zolaridanman. Maqtanyapti demang-u, juda ko'plab badiiy kitoblar o'qiganman. Alisher Navoiy, Bobur singari buyuk bobolarimizning g'azallaridan yod

berdik. Sinfidoshim Bahromjon «O'zbekiston» qo'shig'ini, men, Izzatillo, Mirzag'olib, Boburmirzo esa Konstitutsiya haqidagi she'rimizni aytdik. Tadbir so'nggida biz bilan birga sinf rahbarimizga ham maktab jamoasi tomonidan minnatdorchilik bildirildi.

**Yusufbek OZODBEKOV,**  
Andijon tumanidagi 42-umumta'lim  
maktab o'quvchisi.

ham olganman. Bundan tashqari, O'zbek Milliy akademik drama teatri qoshida faoliyat yuritayotgan Salomat Vafoyevaning rahbarligidagi o'quv kurslariga qatnashayman. U yerda bizga Mukambar opa G'ulomova aktyorlik mahoratini puxta o'rgatadilar. Biz jamoamiz bilan Yoshlar telekanali orqali efirga uzatilayotgan «Davriming bolasi» hamda «Maktab hangomalari» ko'rsatuvlariga lavhalar tayyorlaymiz. Shuningdek, yaqinda «U kim, bu nima?» ko'rsatuvida ishtirok etdim va bu ko'rsatuvlar orqali o'quv markazida olgan bilimlarimni ham sinab ko'rdim. Kelajakda telejurnalist bo'lmoqchiman. Buning uchun esa faqatgina bilimli bo'lishim o'zi kamlik qiladi. Men yana ham ko'proq o'qishim, shu bilan birga tajribamni oshirib borishim kerak.

**Akobir NOSIRXO'JAYEV.**

## ISTIQLOLNING AJIB

### TURFASI

—Yaqinda poytaxtimizning 193-o'qituvchi sinflar, ota-onalar hamda litsey va kollejlardan kelgan mehmonlar ishtirokida ajoyib uchrashuv bo'lib o'tdi. Bu ommaviy tadbirni uyushtirishdan maqsadimiz, deydi tuman Tashxis markazi rahbari Gulnora opa, — ta'lim jarayonini to'liq ta'minlashdan iboratdir.

So'ngra, Respublika Tashxis markazi rahbari Sharif aka To'laganov so'zga chiqib: — Biz farzandlarimizni zo'rma-zo'raki emas, balki o'z qiziqish, xohish va layoqatlariga qarab ongli ravishda kasbga yo'naltirishimiz zarur, — deya ta'kidladi.

Radio-texnika kollejining katta o'qituvchisi Bahrom aka yig'ilganlarni kollejdagi axborot

texnologiyalari, kompyuter, televizorlar, xonadagi o'qitish tizimlari bilan to'liq tanishtirdi. Birgina astronomiya fani xonasidan Moskvadan keltirilgan 34 ming so'mlik jihozlar joy olgan ekan.

«Osiyo taraqqiyot banki» tomonidan taqdim etilgan texnikaga oid kitoblar esa farzandlarimizning to'liq bilim olishlarini kafolatlaydi. Birgina kimyo fani xonasidagi texnikaga oid jihozlarni olsak, shuning o'ziga davlatimizning 54 mln. so'mlik mablag'i sarflangan. Koreyadan keltirilgan kompyuterlar ham o'quvchilar uchun taxt qilib qo'yilibdi.

Bunday shart-sharoitlar va imkoniyatlarga javoban maktab o'quvchilari ham puxta bilim olishga intilishyapti. Bu jihozlardan avaylab foydalanib, uka va singillariga ham qoldirishni oldilariga maqsad qilib qo'yishgan.

**Manzura UBAYDULLAYEVA.**

## ONA

Onajonim uyquga,  
Judayam kech yotadi.  
Bilmayman, bu nimasi,  
Tonggi ham tez otadi.

Keyin bilsam onamni,  
Qilar ishi ko'p ekan.  
Tarbiyalab bolamni,  
Odam qilay der ekan.

Onajonim mehridan,  
Men ham mehr olganman.  
Ona matonatiga,  
Juda qoyil qolganman.

Mehribonim, onajon,  
Doim bo'ling sog'-omon.  
Onalar omon ekan,  
Farzandlar bo'lmas yomon.



## URUSH BO'LMASIN!

Yurtimiz odamlari  
Urushmasinlar hech vaqt.  
Hech bir insonning umri  
Xazon bo'lmasin bevaqt.

Bog'-u chamanzorlarda  
So'lib qolmasin gullar.  
Bu gullarning shoxida  
Sayrab tursin bulbullar.

Urushni deb onalar  
Dard-u alam chekmasin.  
Yurtimiz osmonidan  
Tinchlik qushi ketmasin.

**Muhayyo OLLOBERGANOVA,**  
Xorazm viloyati, Shovot tumani,  
6-«V» sinf o'quvchisi.

«Haqiqiy do'st kulfatda bilinadi», deydi dono xalqimiz. Haqiqatan ham chin, sodiq, mehribon do'stga ega bo'lishning o'zi katta baxt. Marhabo buni keyinchalik eng yaqin dugonasi Malikaning «xiyoni»dan so'ng bildi. Malika sinfning oldi qizlaridan. Ham chiroyli, ham a'lochi. Buning ustiga dadasi «kattakon rahbarlar»dan biri bo'lganligi uchun

Bu gaplarni eshitgan Marhabo turgan joyida qotib qoldi. O'zining barcha sirlarini aytib, uning eng yaqin do'sti deb bilgan Malikadan buni eshitishni xayoliga ham keltirmagan, o'tgan kuni uning tug'ilgan kuniga sovg'a qilgan sharfni esa ikki oy davomida oyisi tushligiga deb bergan pulni tejab yiqqan edi. Qalbida e'zozlab yurgan do'stligi bir

nimadir bo'lganligini payqashib, sinfda shivir-shivir boshlandi. Faqatgina o'qituvchining jarangdor, keskin ohangida tartibga chaqiruvchi gapi bunga chek qo'ydi.

# SAROBGA AYLANGAN DO'STLIK

ham o'qituvchilar-u sinfdoshlari uning atrofida girdikapalak. Nafaqat yigitlar, balki ko'pgina qizlar ham u bilan do'st bo'lishni, unga yaqinroq yurishni orzu qilishardi. Ammo u Marhaboni tanladi. Bundan uning boshi osmonga yetdi. Chunki Malika bilan birga yurgan qiz beixtiyor o'qituvchilar nazariga ham tushar, Malikaning nomi tilga olinganida uning dugonalari ham maqtab o'tilardi.

Shu kuni Marhabo maktabga ertaroq keldi. Dars boshlanishiga hali bir soatlar chamasi vaqt bo'lganligi uchun ham kutubxonaga kirib, badiiy kitoblarni ko'zdan kechira boshladi. Shu payt kutubxonaga kirgan Malika bilan Dilrabo kitob javonlari orasidagi Marhaboni ko'rmay, chetdagi stol yoniga borib o'tirishdi.

—Malika, shu Marhabo bilan sudralishib nima qilasan, o'zi kambag'al bo'lsa. O'tgan kuni sening tug'ilgan kuningga olib kelgan sovg'asini ko'rdingmi? Shuyam sovg'a bo'ldi-yu.

— E, sharfini aytyapsanmi? Uni allaqachon otvorganman. Marhaboning algebradan kallasi zo'r ishlaydi. Nazorat ishlarini o'shandan ko'chiraman. Yordam berib tushuntirvor deyman-u, hammasini ko'chirib olaman. U esa buni bilmaydi. Maktabdan keyin u bilan dugona bo'ladigan ahmoq yo'q, buning ustiga Alisherni ham boshini aylantirib yuribdi. U menga yoqishini bilib turib, atayin shunday qiladi. Vaqti kelsin, hali Marhaboning kunini ko'rsataman...

zumda chilparchin bo'lib, sarobga aylanganligi Marhaboning xo'rlogini keltirdi. Bo'g'ziga tiqilgan yig'ini bazo'r yutib, namlangan kipriklariga ilingan yoshni kafti bilan artdi.

Birinci soat algebra darsi bo'lib, o'quvchilar nazorat ishi yozishlari lozim edi. Marhabo Malika bilan sovuqqina salomlashib, unga teskari qarab o'tirdi. Bundan hayron bo'lgan Malika bir necha bor uni turtib, «senga nima bo'ldi?» deb so'radi. Javob bo'lmagach, «Marhabo, iltimos, manavi masalaga yordam berib yubor, tushunmayapman. Axir sen jonajon dugonamsan-ku», deya erkalanib unga tiqildi.

Marhabo yonida Malika emas, har soatda rangini o'zgartirib, boshqa qiyofaga kiradigan kaltakesakni ko'rgandek bo'lib, birdan seskanib ketdi. So'ng, qo'lini ko'tarib, muallimdan boshqa partaga borib o'tirishga ruxsat berishini so'radi.

Sinfdoshlari Marhabodagi bu o'zgarishdan hayron edilar. Oralaridan qil o'tmas dugonalar o'rtasida

Marhabo ilk marotaba Malikaga ko'chirishga bermaganligi sababli, «a'lochi» Malika nazorat ishidan uch baho oldi. Endi u atayin Marhaboga eshittirib uni yomonlar, barcha qizlarni o'zi tomonga og'dirib, ularning Marhabo bilan gaplashishlariga yo'l qo'ymas edi. Bundan xabar topgan rahbarlari Mukarrama opa darsdan so'ng qizlarni yig'ib, haqiqiy do'st qanday bo'lishi kerakligi haqida so'zlab berdi. Insondagi eng yomon illatlardan biri bo'lgan ikkiyuzlamachilik va munofiqlik unga faqatgina kulfat keltirishini ta'kidladi. Ustozi sinfdoshlardan hech kimning nomini tilga olmagan bo'lsa-da, Malika yig'ilishning oxirigacha qizarib, boshini egib o'tirdi. Hamma tarqalgandan so'ng esa, Marhaboning yoniga keldi.

—Marhabo, meni kechirgin...

Afsuski, bugun tengdoshlarimiz ichida Malika singarilarni ko'plab uchratish mumkin. Faqatgina o'z manfaatini o'ylaydigan, o'ziga ishongan, o'zini do'st deb bilgan o'rtoqlarini bu yo'lda suiste'mol qiladiganlar ko'p.

Siz nima deysiz?

Lenire ABLYAMITOVA,

Toshkent shahri, S.Rahimov tumanidagi 131-maktabning 8-«V» sinf o'quvchisi.

Faqat qizlar o'qisin

## SOXTA MUHABBAT

Bir kuni darsdan chiqayotib, sinfdoshlarimni bir yigit bilan turganini ko'rdim. E'tibor bermasdan ketayot-sam, u orqamdan kelayпти.

—Yaxshi qiz, tanishaylik.

—Yo'q, men hech kim bilan tanishmayman.

—To'xtang, men siz bilan gaplashib olishim kerak.

—Men sizni tanimayman.

—Men ... Men sizni sevib qoldim (hali tanishib ulgurmasdan).

—Rostdanmi?! Qarang-a, rosa ishonchim.

—Ishonmayapsizmi?! Unda hozir ko'chada hammani oldida tiz cho'kishim mumkin (sal o'zimga kelib qoldim, axir bo'lishi mumkin-ku sevib qolishi).

—Yo'q, nima qilasis,

baribir men siz bilan tanishmayman ham, gaplashmayman ham.

—Nega?! Haliyam ishonmayapsizmi?!

Mayli, aytganimni qilib, tiz cho'kaqolay.

—To'xtang, nima, tiz cho'ksangiz, meni sizga ishonadi deb o'ylayapsizmi? Bo'ldi, keting (bu tiz cho'kishlar hammasi uyimga ketadigan yo'lda bo'layapti). Meni boshqa qizlarga o'xshatmang, mening ota-onam bor, o'z

hurmatimni

o'zim yaxshi bilaman.

—Mayli, meni

ota-onangiz o'ldirishsin, men bunga roziman siz uchun (yo'q, men bunga ishonmasligim kerak).

—Bo'ldi, iltimos, meni orqamdan kuzatmang, xayr.

U ortda qoldi. Men esa o'zimcha xayolga toldim.

U yigit menga umuman

yoqmagan bo'lsa ham, negadir uning gaplariga ishongim keldi, men uchun tiz cho'karmish, buning nimasi yomon... Ertasi kuni darslar tugab maktabdan chiqayotsam, u turibdi. Ishqilib gapirmasin, dedim o'zimcha. Qarangki, u menga bir marta qaradi-yu, yuzini o'girib, boshqa qiyofa ham boqmadi.

Ana shunda uning haqiqiy yuzini bilib oldim, uning asl maqsadi ham menga ravshan bo'ldi...

Bir kuni istirohat bog'iga dugonam bilan dam olgan borandik, odam ko'pligidan barcha o'rindiqlar band. Istirohat bog'lariga kichik yoshli bolalar, bayram yoki tadbirlar bo'lsa, ota-onalari bilan dam olishga borishadi. Lekin buni qarangki, bu bog' «juftliklar» makoni bo'lib qolibdi...

Mayli, ochiq-sochiq kiyinaylik, yevropa uslubda yashay qolaylik. Lekin imonimiz, ko'nglimiz musulmonchilikda qolsin.

Aziza HAKIMOVA,  
Toshkent shahri.





# BIZ TABIAT FARZANDLARIMIZ!

Biz tabiatni dunyoda eng mo'tabar zot bo'lgan onaga tenglashtiramiz. Buning zamirida katta ma'no bor, albatta. Har birmiz tabiat qo'ynida dam olishni, daraxtlar soyasida o'tirishni, baland tog'larga chiqishni, sharqiroq soy suvida cho'milishni yaxshi ko'ramiz. Shunday ekan, uni avaylab-asrashimiz ham lozim-da. Esimni tanibmanki, onam bizga kichkinaligimizdan oq uyda, bog'chaga borganimizda tabiatga nisbatan mehri bo'lishni o'rgatadi. Bahor kelishi bilan hovliga turli gullar, manzarali, mevali daraxtlar ko'chatini o'tkazamiz. Yil o'n ikki oy uyda ham tuvaklarda gullar o'stiramiz. Gulxonamda gullarning fikus, aloe, sanseverera, erongul, xitoy atirguli, katarinkus, kaktus, oltin mo'ylov, baxmal kabi turlari bor. Ularni parvarish qilish jarayonida qalbimda o'ziga xos zavq, shodlik hissini sezaman. Ayniqsa, ular chiroyli g'unchalar tugib ochilganida men uchun haqiqiy bayram bo'lib ketadi. Mening ko'zimni quvontirayotgan bu go'zallikdan boshqalar ham bahra olishini istayman. Shu sababli ko'pincha tug'ilgan kunlarda, bayramlarda do'stlarimga, yaqinlarimga tuvakdagi gullarni sovg'a qilaman. Ularga ham gul o'stirishni, ko'paytirishni maslahat beraman, qiziqtirishga harakat qilaman.

Maktabimizda «Yosh gulsevarlar» to'garagi bor, men ushbu to'garak a'zosiman. Menimcha, gullarni sevgan kishilar haqiqiy go'zallik shaydolari bo'lishadi. Va ular hech qachon birovlariga yomonlikni ra'vo ko'rishmaydi.

Bahor faslida atrof o'zgacha chiroy ochadi, turfa gullarga qaragan kishining bahri-dili

ochiladi. Mahallamizda hamma hovliga, darvoza oldiga gullar ekadi. Ammo, ba'zan chiroyli bo'lib ochilib, mahallamizga ko'rk bag'ishlab turgan gullarni so'roqsiz uzib, duch kelgan joyga tashlab ketadigan tengdoshlarimni

ko'rganda, xafa bo'lib ketaman. Nahotki ularning gullarga rahmlari kelmaydi, deb o'ylab qolaman. Axir hamma-yoq chiroyli bo'lib, gullarning xushbo'y hidlari kelib tursa, yaxshi-ku. Afsuski, bu oddiy haqiqatni hamma ham tushunvermas ekan-da.

Biroq, katta yoshli kishilarning tabiatga hurmatsizliklari boyagi tengdoshlarimning qiliqlaridan ham oshib tushadi. Masalan, shu yili yozda «Bahor» mahallasiga ariqda cho'milgani borganam. Afsuski, cho'milolmay qaytdik. Chunki ariq bo'yida yashovchilarning ko'pchiligi molxona, hojatxonalarining axlatlarini ariqqa oqizibarkan. Ko'rib, nihoyatda ajablandim. Nahotki odamzot shunchalik borsay?! Suvdan badbo'y hid chiqadi, bundan tashqari, har xil rangdagi yelim xaltalar, salqin ichimliklardan bo'shagan idishlar, konserva bankalari tashlangan. Bu yoqda esa bolalar cho'milyapti. Sal nariroqda kimdir kir, yana birov gilam yuvayapti. 50-60 metr narida qo'y, mol boqib yurgan bolakaylar podasini sug'organi kelishgan. Xullas, hamma

o'z-ehtiyoji uchun o'sha suvdan foydalanyapti, ammo hech kim uning tozaligi haqida qayg'urmayapti. Suvdek musaffo ne'matga nisbatan bu qadar hurmatsizlikni ko'rib, yig'lab yuboray dedim. Axir qayerlardadir odamlar shu suvga ham zor bo'lishi mumkin-ku! Bu yerda esa suvga axlat tashlab, uni ifloslashtirishyapti. Axir ota-bobolarimiz suvga tuflashni ham og'ir gunoh bilganlar. Bu isrofgarchilikning oxiri nima bo'larkin? Suvga nisbatan hurmatsizlikning davomini ona tabiat bizga qanday qaytararkan? Nahotki kap-katta odamlar shuni o'ylashmasa, qilmishlaridan uyalishmasa? Agar shu ariqdagi suv bo'lmaganida, ular nima qilishardi? Qayerdandir tashib kelganlarida ham suvni shunchalik behurmat qilisharmidi?.. Menimcha, yo'q. U holda suvni juda avaylab, ehtiyotlab ishlatgan bo'lishardi. Qaysidir gazetada o'qigandim, ichimlik suvi zahirasi bir necha o'n yillikdan so'ng tugashi ehtimoli mavjud ekan. Olimlar ana shu muammoni hal qilish ustida bosh qotirib, masalaga yechim izlashayotgan ekan. Axir suvsiz qanday yashash mumkin? Ko'pincha, ko'cha-ko'yda ochiq turgan suv jo'ralarga, yoritgan, teshilgan, suv otilayotgan quvurlarga ko'zimiz tushadi. Ammo bu manzarani ko'rib, kattayu kichik beparvo o'tib ketaveradi. Oyoq bosishga, o'tishga joy topsa bo'ldi, hech kim qimmatli, muqaddas ne'mat bekorga isrof bo'layotgani haqida qayg'urmaydi. Axir kattalar bizga tabiatga nisbatan mehri bo'lishda ham o'rnatilgan bo'lishlari kerak emasmi?! Ba'zida shahar markazida yo'l bo'yiga ekilgan, biroq suvsizlikdan qovjirab yotgan gullarni ko'rganimda, ularga juda achinaman. Tavba, qiziq-da! Qayerdadir gullar suvga zor, qayerdadir suv bekorga oqib yotibdi. Qani endi qo'limdan kelsa-yu, shu isrof bo'layotgan suvni so'lib borayotgan gullarning jo'yagiga burib qo'ya olsam... O'ylab ko'rsam, men gullarni, zilol suvni, musaffo havoni, qo'ying-chi, ona tabiatni borligicha sevar ekanman. Ammo istardimki, tabiatni hamma odamlar mendek sevsalar. Nafaqat sevsalar, uni asrab-avaylash uchun qayg'ursalar, qadriga yetsalar. Axir biz ona tabiat farzandlarimiz-ku.

Zarina MINIYAROVA,

Sirdaryo viloyati, Guliston shahri,  
5-o'rtta maktabning 9-sinf o'quvchisi.

## Maktab yangiliklari

### ENG QULAYI – «KLASTER» XONALARI

Poytaxtimizning Hamza tumanida joylashgan 69-maktabda ta'lim o'zbek va rus tillarida olib boriladi. Ushbu ilm maskanida 945 nafar o'quvchi tahsil oladi. Ularga «Xalq ta'limi a'lochisi» unvoni nishondorlari Mamlakat Yo'ldosheva, Yelena Sokolovskaya, «Shuhrat» medali sohibalari Ibodot Musayeva, Inobat Tursunova singari 56 nafar malakali o'qituvchilar fan sirlarini qunt bilan o'rgatishmoqda. Kelgusi o'quv yilida maktabda davlat tomonidan 2ta «klaster», ya'ni axborot resurs tizimini amalga oshiruvchi kompyuter xonalari tashkil etish rejalashtirilgan.

### AWAL SHAROIT...

–Buning uchun hozirdanoq tayyorgarlik ishlarini boshlab yuborganmiz, - deydi maktab direktori Rahima Bobojonova.

O'tgan o'quv yillari mobaynida bilim saviyasi bo'yicha tumandagi 30 ta ta'lim maskanlari orasida 18-o'rinda bo'lgan bilim maskanimiz joriy o'quv yilida 7-o'ringa ko'tarildi.

Kelajakda yana ham yuqori natijalarga erishish uchun intilayapmiz. Ta'lim maskanimizda bolajonlarimizning puxta bilim olishlari uchun yetarlicha sharoitlar yaratilgan. Ta'lim jarayonining xilma-xilligi, yangi pedagogik texnologiyalar asosida ish olib borishimiz, mavjud fan hamda kasbga yo'naltirilgan to'garaklarimizning o'quvchilarimiz ixtiyoraligi bois ibratli natijalarga erishayapmiz. O'quvchilarimizdan Abror Mavlyanov, Tanya Busigina, Rustam Kattabekov, Nulufar Bozorova, Aygul Sagdatulina, Barno Xolmurodova, Iroda Soibova kabilar fan olimpiadalarining tuman, shahar hamda respublika bosqichlarida faxrli o'rnlarni egallashdi.



«Yilning eng yaxshi o'qituvchisi» ko'rik-tanlovida ishtirok etgan boshlang'ich sinf o'qituvchisi Mamlakat Yo'ldosheva respublika bosqichida I o'rinni qo'lga kiritdi.

Sportsevar o'quvchilarimizdan Andrey Reznichenko, Muxtor Kulatovlar yengil atletika bo'yicha shahar musobaqasida I o'rinni egallashdi.

Maktabimizda boshlang'ich sinf o'quvchilari qo'shimcha ravishda matematika va ingliz tilidan, 5-sinflarimizda esa iqtidorli o'quvchilar sinfi tashkil etilib, ularga matematika fanidan chuqurlashtirilgan saboqlar o'tilishi barobarida yuqori sinflar uchun oliy ta'limga tayyorlovchi kurslar tashkil qilingan.

Maqsadimiz, kelajakda ta'lim maskanimizda «kasb-hunar majmuasi» tashkil qilishdir. Bo'lg'usi tokar, elektropayvandlovchi, hamshiralik kabi mutaxassisliklarga ega bo'lgan o'g'il-qizlarga diplomlar beriladi.

–Zardo'zlik, mohir qo'llar, bichish-tikish kabi to'garaklarimizda esa bolajonlarimiz milliy hunarmandchiligimiz sirlarini



o'rganishmoqda, deya suhbatimizga qo'shildi ma'naviy-ma'rifiy ishlar bo'yicha direktor o'rinbosari Zulfiya YUNUSOVA. – «Konstitutsiya olamiga sayohat», «O'zbekiston – mening Vatanim», «Mahallamiz bolalari» kabi tanlovlarning muntazam ravishda o'tkazilayotgani o'quvchilarimizning bilimlarini har tomonlama mustahkamlamoqda.

### «ZULFIYAXONIM QIZLARI»

Zumrad Ahmedova qator yillardan buyon o'quvchilarga ona tili va adabiyot fanidan saboq berib kelmoqda. Izlanuvchan, intiluvchan muallimaning bugungi kunda izdoshlari, yuzlab shogirdlari bor. Har yili bo'lib o'tadigan «Zulfiyaxonim qizlari» tanlovida ishtirok etayotgan maktab o'quvchilarini albatta ular tayyorlaydilar. Rayhon Tuliyeva, Malika Ashirova singari zukko qizlar ustozlari yordamida puxta tayyorgarlik ko'rganliklari bois tumanda III va I o'rnlarni qo'lga kiritishdi. Malika ismli qiz «Madaniyat yo'nalishi» bo'yicha shahar tanlovida qatnashish huquqiga ega bo'ldi. Uning muvaffaqiyatidan Zumrad opaning qalbi quvonchga to'ldi. Chunki opa uchun o'quvchilari ham farzandiday aziz sanaladi.

Maktab kutubxonasidagi mavjud 10 mingdan ziyod badiiy kitoblar orasidan o'quvchilariga mutolaa uchun tanlab berayotgan Zumrad opa kitobning nutqni rivojlantirib, fikrlash qobiliyatini oshirishini bot-bot takrorlaydi.

Har qanday ishning natijasi ijobiy bo'lgani yaxshi.


Olim ham, professor-u shifokor ham, uchuvchi-yu san'atkor ham kim bo'lishidan qat'iy nazar, avvalo maktabda tahsil oladi. Har bir o'quvchiga kelajakda nurli yo'lni ko'rsatuvchi shubhasiz ustozlardir. Bas, shunday ekan, har lahza g'animat. Ushbu oltinga teng lahzalaringizni albatta qadriga yeting, aziz bolajonlar!

Jamila HAYDAROVA.

## Ustoz fikri

## HAR SINFGA IKKITADAN...

Insonlarning ma'naviyati qay darajada ekanligini ular bilan ikki suhbat davomida bilib olsa bo'ladi. Jizzaxlik Abdulla aka Saidov bilan tanishganimizda ularni o'qituvchi bo'lsalar kerak, deya taxmin qilgandik. Yanglishmagan ekanmiz, mana 40 yildirki, G'allaorol tumanidagi 78-maktab



o'quvchilariga nemis tili fanidan saboq berib kelayotgan ijodkor ustozlardan ekanlar. Hikoyalari respublika nashrlarida tez-tez chop etilib turarkan. Bizning tahririyatimizga ham bir nechta bolalarbop hikoyalardan olib kelgan kekxa muallim bilan qurgan suhbatimiz o'z-o'zidan obuna mavzusiga ulanib ketdi.

-1966-77-yillar davomida gazetangizning eng faol muxbirlaridan edim, -deya xotirladilar Abdulla aka. -Talaygina hikoyalarim shu gazeta orqali millionlab o'quvchilar hukmiga havola qilingandi.

Yodimda bor, o'sha kezlari bolalar nashrlariga obuna jarayoni qizg'in kechardi. Maktab yetakchisidan tortib, uning rahbarigacha bu ishga jiddiy yondoshishardi. Gazetaning har sonini bitta partaga ikki donadan tarqatib chiqqanlarim hamon esimda. Bolalar ham uni zo'r qiziqish bilan o'qib chiqib, qizg'in bahs va munozaraga kirishib ketishardi. Obunani yaxshi tashkillashtirib, maktabimizdagi 300 nafar o'quvchining barini shu gazetaga, avvalgi «Lenin uchquni»ga obuna qildirganim uchun hatto «Faxriy yorliq» ham olganman. Uni esdalik uchun saqlab qo'rganman.

Hozir esa maktablarda bu jarayonga yuzaki yondoshilyapti, nazarimda. Ayrim ustozlar bir sinfdan 20 nafar o'quvchi o'qiydimi, 40 nafarmi, farqi yo'q, bir donagina «Tong yulduzi»ga obuna qildirib qo'yishadi-da, ko'krak kerib yuraverishadi. Gazetadagi maqolalarni sinfdan tashqari soatlarda o'qitib muhokama qildirish, she'rlarini yod oldirish orqali o'quvchilarida gazetxonlik, kitobxonlikka havas uyg'otish u yoqda tursin, uning o'quvchilari qo'liga yetib kelayotgani bilan ham qiziqishmaydi. Ba'zi maktablarning hatto kutubxonalaridan ham bu gazetani topolmaysiz. Bu juda achinarli holdir. Zero, farzandlarimiz ma'naviyati haqida biz ustozlar qayg'urmasak, kim qayg'uradi?

Men kekxa bir muallim sifatida kuch-quvvatim boricha obunadek xayrli ishga o'z hissamni qo'shaman. 502 nafar o'g'il-qiz tahsil olayotgan maktabimizda har bir sinfni bir emas, ikki donadan «Tong yulduzi»ga obuna qildiraman...

Shoyad, yosh ustoz va murabbiylar, fidoyi yetakchilar ham ibrat olishsa, degan niyatda kekxa muallimning kuyunchaklik bilan aytgan fikrlarini to'raligicha chop etishga ahd qildik. Gazetamizning keyingi sonlarida ularning ijodlaridan namunalar e'lon qilamiz.

## Sog'liging - boyliging

## AVVAL TAOM...

Kech yotgan Diyorbekni onasi arang o'rnidan turg'azdi.

-Uyg'onaqol o'g'lim, soat ham sakkiz bo'lib qoldi. Mana bu pulni ham ol, ovqatlanasan, -deya stol ustga ikkita ikki yuz so'mlik qo'ydi.

Aksariyat bolalar erta tongdan o'rnilaridan turib nonushta qilishga erinadilar. Natijada dars davomida holsiz, lanj yuradilar. Darsni qabul qilish qobiliyati ham pasayadi.

Maktabda ovqatlanarman, deya ketaveradilar. Maktab oshxonalaridagi ahvol esa turlicha. Bir stakan shirin choyning bahosi 100 so'mdan 500 so'mgacha. Ayrim o'quvchilar oshxonaga to'g'ri kirib, qo'llarini ham yuvmasdan xarid qilgan narsalarni yeyaverishadi. Kulcha va somsalar quruq taom hisoblanadi. Ular issiq ovqat o'rnini bosolmaydilar. Shuningdek, oshqozonga botishi natijasida turli xastaliklar kelib chiqishi mumkin.

Shuning uchun aziz o'quvchilar, biroz erta turishga odatlaning. To'g'ri ovqatlanish - puxta bilim olish garovidir. Zero, bobolarimiz «Avval taom, badast kalom», deb bejizga aytishmagan.

Dilfuza XOLMATOVA,

O'ZMU, jurnalistika fakulteti talabasi.

## «Salomatlik garovi» tanloviga

## MEN DANGASA EMASMAN

Barvaqt turay deymen-u,  
Ocholmayman ko'zimni.  
Dars ham quloqqa kirmas,  
Lanj sezaman o'zimni.  
Biror yumush bajarsam,  
Zumda charchab qolaman.  
Yayov yursam yuz bord,  
To'xtab damim olaman.  
Shularni aytsam, akam,  
Mazax qiladi doim.  
-Aslida dangasasan,-  
Deydilar kulib oyim.  
Tunov kuni maktabga,  
Shifokorlar kelishdi.  
Sog'ligimiz tekshirib,  
Xo'p yugurib-yelishdi.  
Men, Nodira, Zilola,  
Tohir, Jasur va Yulduz.  
Kamqon bo'lib qolibmiz,  
Yana talay o'g'il-qiz.  
Shunda do'kon oralab,

Boytilgan un topdik.  
Va undan shu kuniyoq,  
Bo'rsildoq nonlar yopdik.  
Oradan hafta, o'n kun,  
O'tar-o'tmas chamasi.  
Iziga tushib ketdi,  
Ishlarimning hammasi.



Opamdan barvaqt turib,  
Yig'ishtirdim joyimni.  
Nonushta ham hozirlab,  
Lol qoldirdim oyimni.  
O'zimni kuchli, tetik,  
Sog'lom his qilayapman.  
Darslarimni bir zumda,  
Quloqqa ilayapman.  
Endi bildim TEMIRga,  
Boytilgan UN noni-  
Darmondorilar hamda  
Sog'liqning ekan koni.

Feruza JALILOVA.

## Bugunning bolasi

## FERUZANING LIBOSLARI



Tahririyatimizga tortinibgina kirib kelgan qizaloqdan shunday aqli fikrlar eshitaman deb hecham Toshkent shahridagi 241-maktabning Rahmonqulova, deya tanishtirgan bu di deguncha, xayolan turli liboslar malarini chizaverarkan. Hozir-soni yuztadan ham oshib ketibdi.

«Men kelgusida liboslar man!» Bu - Feruzaning orzusi.

-Men chizayotgan libosmatingiz o'ta qimmatbaho deydi 14 yoshli qizaloq

mulohaza yuritib. - Aksincha, oddiy, havo ko'zga yaqqol tashlanmaydigan rangdagi bo'lsa, kifoya. Masalan, paxta yoki zig'ir tayyorlangan matolar sog'lik uchun foydali. tananing bir maromda «nafas olishi»ga beradi. Atlasdan tikilgan kiyimlar esa baribir

Feruza maktabda ham a'lochi o'quvchilardan sanaladi. Barcha fanlarga, ayniqsa, algebra, geometriya fanlariga - deb ataydigan ustoz Dilobar olishidan deb biladi.

Odatda o'smir yoshidagi shunday: turli pishiriqlar, kartoshkali quymoq, tayyorlab, ota-onasining tutishga harakat qilayotmunchuqlar yordamida qiyqimlaridan o'zi yako'radi. Onasining: keng bo'ladi», degan perining «Kichik shah-Gulnora, Kamola, Iroda, ikkinchisidagi samimiylilik, qadrlaydi. Yana, tabiatni, rangli mushuklarni yoqparvarishlayapti.

Lekin asosiy vaqtini dizaynerlar teatr bo'lib, odamlarning g'oya, fikr olib, Buni yaxshi bilgan yerlarda bo'lib, mos kelishini o'r-

Orzulari yo'lida tinmay izlanayotgan Feruza tengdoshlarining ham maqsad sari intilib yashashlarini istaydi.



o'ylamagandim. O'zini, 8-sinf o'quvchisi Feruza tengdoshingiz qo'li bo'shayaratar va ularning chizgacha bunday chizmalari

bo'yicha dizayner bo'la-

larni tikish uchun bo'lishi shart emas, xuddi kattalardek o'tkazuvchan, gazlamalar tolasidan U l a r i m k o n boshqacha-da!..

qizlar har narsaga qiziquvchan bo'lishadi. Feruza ham salatlar tayyorlash jon-u dili. Nonushtaga piyozli qatlama, grechka bo'tqasi kabilarni duosini oladi. Hozirdanoq biror hunarning boshini gan qizaloq maktabdagi to'qish to'garagiga qatnaydi, taqinchoqlar yasaydi, kashtalar to'qiydi, uyidagi matoratgan chizmalar asosida mitti kiyimchalar tikib «Ko'p kitob o'qigan bola bilimli, dunyoqarashi gaplarini qulog'iga ilib olgan. Antuan Ekzyuzoda»sini yaqinda o'qib tugatdi. Dugonalari Adolat, Hayotxon, Sayyoralarning biridagi tirishqoqlik, yana boshqasidagi mehribonlik kabi fazilatlarini juda jonivorlarni juda yaxshi ko'radi. Ko'pchilik qora tirmaydi. U esa oltita qora mushukni mehr bilan

o'qishga, izlanishga sarflaydi. Chet ellarda tomoshalari, konsertlar, jamoat joylarida ko'p kiyinishlarini sinchiklab o'rganisharkan. Ulardan umumlashirib, o'z liboslarini yaratisharkan. Feruza ham ko'proq odamlar gavjum qaysi yoshdagi insonlarga qanday liboslar ganishga intilarkan.

Aziza suhbatlashdi.

Faxr

## O'ZIMIZNING SO'G'DIYONA



sinab ko'rgan. 1999-yilda «Sado-99», 2002-yilda «Yurtim sadolari» singari respublika ko'rik-tanlovlari qatnashib, faxrli o'rinlarni egallagan. Sankt-Peterburg shahrida bo'lib o'tgan «Yulduzlar sari yo'l» festivalida laureat bo'lgan. Uning «Mening qalbm», «Yurak magnit» singari musiqiy albomlari nafaqat yurtimizda, balki chet ellarda ham muxlislarini topgan. So'g'diyona rus, ingliz, fransuz, fors tillarida ko'plab qo'shiqlar yaratgan. U o'z ustida tinmay ishlaydi. Yaqinda Rossiyaning Moskva shahrida bo'lib o'tgan «Oltin grammofon» tanlovi sohibi bo'ldi. Biz undan, bunday yutuqlarga qanday erishdingiz, deb so'raganimizda, shunday javob berdi:

—Avvalo menda yurtimga bo'lgan muhabbat kuchli. Agar odam o'z yurtini sevmasa, bunday yutuqlarga erisha olmaydi. Qolaversa, oilam, ustozlarimning menga nisbatan talabchanliklari tufayli, deb o'ylayman. Yana inson doimo kamtar bo'lishi lozim. Shundagina u ko'zlagan maqsadiga yeta oladi. Men yoshligimda «Tong yulduzi» gazetasiga obuna bo'lgandim va uni sevib mutolaa qilgandim. Oradan shuncha vaqt o'tib, uning aziz mehmoni sifatida tahririyat xodimlari bilan yuzma-yuz bo'lib turibman. Bu men uchun katta baxt. Mening istagim, har bir o'g'il-qiz qay bir sohada bo'lmasin, O'zbekiston sharafini butun olamga yoysinlar...

Yaqinda Moskva shahrida bo'lib qaytgan bir xamkasbimizning aytishicha, So'g'diyonaning qo'shiqlarini u yerda ham sevib tinglasharkan. «O'zimizning So'g'diyona-da!», deb qo'yidik faxr bilan.

Nodira MIRZAYEVA.

## TABRIKLAYMIZ!

Ertaga men uchun aziz va suyuqli bo'lgan buvijonimning tug'ilgan kunlari. Ushbu she'rimni sovg'a sifatida qabul qilishlarini istardim.

## BUVIJONIMGA

Qaniydi, hamma ham sizdayin bo'lsa,  
Har bir inson qalbi mehrga to'lsa.  
Dunyoda bo'lardi faqat ezgulik,  
O'zi pok, so'zi pok, aziz buvijon.

Insonlar elim deb kuyib yashasa,  
Farzand nabirasin suyub yashasa.  
Bu ko'hna zaminda bo'lmasdi armon,  
Dili pok, tili pok, jonim buvijon.

Ehtimol, sizdayin insonlar ko'pdir,  
Mehri quyosh yanglig' qaynoq, serjilo.  
Biroq, mening uchun hammadan a'lo —  
Buvijon, o'zingiz yagona, tanho!

Rushana SHUKUROVA,  
9-sinf o'quvchisi.

Aziz bolajonlar! «Xo'ja Nasriddin yoki o'yin boshlandi», «So'g'diyona» filmlarida bosh qahramon rolini ijro etgan estradamizning yorqin yulduzlaridan biri So'g'diyonani barchangiz tanisangiz kerak? O'zining shirali ovozi, diltortar qo'shiqlari bilan muxlisleri ko'ngilga yo'l topayotgan So'g'diyona yaqinda tahririyatimiz mehmoni bo'ldi. Belorussiya safarida bo'lganimizda u yerdagi yoshlar ham Rossiya telekanali orqali namoyish etilayotgan «Yulduzlar fabrikasi» ko'rsatuvida So'g'diyonaning chiqishini sabrsizlik bilan kutishayotganini aytishdi. Bundan ko'rinib turibdiki, So'g'diyonaning nafaqat O'zbekistonda, balki boshqa davlatlarda ham muxlisleri talaygina ekan. O'zining sharqona tarbiyasi, kamtarligi bilan barchamizni lol qoldirgan san'atkor bilan suhbatlashganimizda, quyidagilarni bilib oldik.

So'g'diyona (asli ismi Oksana Nechitaylo) 1984-yilda Toshkent shahrida tug'ilgan. Dastlab V.Uspenskiy nomli maxsus musiqa maktabida fortepyano sinfida tahsil olgan. O'qishi mobaynida viloyat, respublika miqyosida o'tkazilgan yosh pianinotchilar ko'rik-tanlovida qatnashib, laureat bo'lgan. 1998-yilda qo'shiqchilik sohasida o'zini

Ruxsoraning ko'nglida bolalikdan she'rga havas, tabiatga, vatanga, tarixga muhabbat uyg'ondi. Havasdan uyg'ongan intilishning ertasiga ishonish, qo'llab-quvvatlash albatta o'z nishonasini beradi. U samimiy, pok tuyg'ularini avaylab-asrashda bilim va izlanishga, «voyaga yetkazish»ga o'qituvchilari, ustozlarining madadiga tayanadi.

Daftariga bitilgan she'rlarini o'qir ekanman, Ruxsoriga tongdek porloq kelajak istab, orzulari ushalishiga, qalbini, hayotini she'rlari bezab turishiga tilakdoshman.

Rajabboy RAUPOV,  
yozuvchi.



## O'ZBEKISTON!

G'urur va jur'at bilan,  
Dunyoga solding hayrat.  
Go'yo ko'kda bir yulduz,  
Porlagaysan to'abad.

## ONAM

Tepamda porlagan quyoshim onam,  
Dardlarim tinglovchi sirdoshim onam.  
Yo'llarimdan adashib qolgan chog'imda,  
To'g'ri yo'l ko'rsatguvchi yo'ldoshim onam.

Ko'zlaringiz hech qachon yoshga to'lmasin.  
Orzularingiz mudom armon bo'lmasin.  
Meni doim qo'llab duolar qiling,  
O'zingiz ham hamisha yonimda bo'ling.

Sochingizga oqlar oralasa ham,  
Yashang onajonim dunyo turguncha.  
Qaddim dol-u, ko'zim nurdan qolsa ham,  
Sizga she'rlar bitay qurbim yetgunicha.

Ruxsora NE'MATULLAYEVA,  
Qashqadaryo viloyati, Mirishkor tumanidagi Oybek nomli  
11-umumiy o'rta ta'lim maktabining 9-sinf o'quvchisi.

Dovrug'ingdan faxr qilib,  
Oyga uchgim keladi.  
Keng fazodan husningga,  
To'yib boqqim keladi.



TONG yulduzi

BOSH MUHARRIR:

Umida

ABDUAZIMOVA

TAHRIR HAY'ATI:

Turobjon JO'RAYEV

(O'zbekiston Xalq ta'limi vaziri),

Dilbar ALIMJONOVA

(«Sog'lom avlod uchun»

hukumatga qarashli bo'lmagan

xalqaro xayriya jamg'armasi

ijrochi direktori),

Qahramon QURANBOYEV

(«Kamolot» YOIH markaziy

kengashi raisi o'rinbosari),

Jabbor RAZZOQOV

(«O'zbekiston» NMIU bosh

muharrir o'rinbosari),

Dilmurod RAHMATILLAYEV

(Andijon viloyati Xalq ta'limi

boshqarmasi boshlig'i),

Dilshoda DADAJONOVA

(Namangan viloyati Xalq

ta'limi boshqarmasi boshlig'i),

Feruza JALILOVA

(Bosh muharrir o'rinbosari),

Sobirjon SHARIPOV

(Xorazm viloyati Xalq ta'limi

boshqarmasi boshlig'i),

Nurxon NAFASOV

(O'zbekistonda xizmat

ko'rsatgan sport ustasi),

Ergashvov SARIQOV

(Iqtisod fanlari doktori).

Gazeta O'zbekiston  
matbuot va axborot  
agentligida022-raqam bilan 2003-  
yil 11-dekabrda  
ro'yxatdan o'tgan.

Noshir:

«O'zbekiston»

nashriyot-matbaa ijodiy uyi.

Gazeta

«O'zbekiston»

nashriyot-matbaa ijodiy uyi

kompyuter bo'limida terib

sahifalandi va chop etildi.

Gazeta haftaning dushanba

kuni chiqadi. Hajmi A-3,

2 bosma taboq.

Adadi - 16864

Buyurtma N:J-3124

Dizayner va  
sahifalovchi:Fazliddin  
SHOYODGOROV

Navbatchi:

Muharrama  
PIRMATOVA

Rassom:

Nodira MIRZAYEVA

Manzilimiz:

700129,

Toshkent shahri,

Navoiy ko'chasi, 30-uy.

Obuna indeksi: 198.

e-mail:

tong1924@mail.ru

Tel: 144-27-25

144-63-08

Tel./ faks:

(99871) 144-38-10